



MOLIYA VA BANK ISHI

O'ZBEKISTON RESPUBLIKASI BANK-MOLIYA AKADEMIYASI ILMIY JURNALI



MARKAZIY BANK PUL-KREDIT SIYOSATINING KAPITAL OQIMI BALANSIGA TA'SIRI

Muxitdinova Muyassar Ziyaviddinovna

O'zbekiston Respublikasi Bank-moliya akademiyasi dotsenti PhD

Yozishmalar uchun elektron pochta: muyassarmukhitdinova@gmail.com**Muxiddinov Nuriddin Maxamadamin o'g'li**

O'zbekiston Respublikasi Bank-moliya akademiyasi magistranti

Yozishmalar uchun elektron pochta: nuriddinmuhiddinovnm@gmail.com

Maqola haqida ma'lumot

Topshirilgan vaqti: 30.04.2024

Qabul qilingan vaqti: 29.05.2024

Tayanch so'z va iboralar: pul-kredit siyosati, kapital, to'lov balansi, inflyatsiya, iqtisodiy samaradorlik, resurslar, risklar.

Annotatsiya

Maqolada O'zbekiston Respublikasi Markaziy banki tomonidan olib boriladigan pul-kredit siyosatining mohiyati, huquqiy-me'yoriy asoslari, ushbu siyosatning yo'nalishlari tahlillar yordamida o'rganildi. Shuningdek, ushbu tizim ta'sirida Respublika kapital oqimi holatida yuzaga keladigan iqtisodiy oqibatlar o'rganilib chiqildi. Jahondagi rivojlangan hamda rivojlanayotgan mamlakatlar Markaziy banklarining pul-kredit siyosati o'rganildi. O'zbekistondagi so'nggi yillardagi pul-kredit siyosatining natijalari rasmiy ma'lumotlar yordamida to'plandi hamda tahlil etildi. Maqola mualliflari tomonidan mavzuga oid fikr, mulohazalar va takliflar taqdim etildi.

THE EFFECT OF THE MONETARY-CREDIT POLICY OF THE CENTRAL BANK ON THE CAPITAL FLOW BALANCE

Mukhitdinova Muyassar Ziyaviddinovna

Associate Professor of the Academy of Banking and Finance of the Republic of Uzbekistan, Ph.D

Corresponding author email: muyassarmukhitdinova@gmail.com**Muxiddinov Nuriddin Maxamadamin ogli**

Master student of the Academy of Banking and Finance of the Republic of Uzbekistan

Corresponding author email: nuriddinmuhiddinovnm@gmail.com

ARTICLE INFO

Received: 30.04.2024

Accepted: 29.05.2024

Key words: monetary policy, capital, balance of payments, inflation, economic efficiency, resources, risks.

Abstract

In the article, the essence of the monetary and credit policy conducted by the Central Bank of the Republic of Uzbekistan, legal and regulatory bases, directions of this policy were studied with the help of analysis. Also, the economic consequences of the capital flow of the Republic under the influence of this system were studied. The monetary policy of the central banks of the developed and developing countries of the world was studied. The results of monetary and credit policy in Uzbekistan in recent years were collected and analyzed using official data. The authors of the article presented opinions, comments and suggestions on the topic.

Kirish

Iqtisodiy tizimlar zanjiri yaxlitligi mamlakatda butun bir iqtisodiyotni tashkil etishi va uning bir-biriga

bog'liqligi, ushbu tizimdagi har bir siyosatning oqibatlarini oldindan jiddiy tahlil etishni taqozo etadi. Mamlakatdagi har bir iqtisodiy faoliyat bilan boshqa bir yo'nalishga ijobiy

yokida salbiy ta'sir etish, balki, ushbu yo'nalishni boshqarish va tartibga solish mumkin.

Hozirda hech bir mamlakat iqtisodiyotiga zarur bo'lgan kapital resurslarini o'zi ta'minlay olmaydi. Shu sababdan mamlakatlar o'rtasida kapital resurslarining oqimi yuzaga keldi. Bunday integratsiyalashuvning global tarzda kengayishi har qanday iqtisodiyotni chetlab o'tayotgani yo'q. Mamlakatlar o'zi yuritadigan siyosat orqali kapital oqimi samaradorligini oshirish hamda tashqi salbiy ta'sirlardan himoyalani chora tadbirlarini muntazam ishlab boradilar. Boshqa tomondan qaraganda esa, har bir mamlakat ko'proq kapital resurslariga hamda iste'mol bozorlariga intiladilar. Kapital oqimida qatnashga har bir resurs, xususan, yer kapitali, moliyaviy resurslar, marketing ishlanmalari kabi nomoliyaviy resurslar, yuqori texnologiya hamda inson kapitali qaysi iqtisodiyotlarga ko'proq to'planishi yuzasidan ilmiy tahlillar olib boriladi. Mamlakatga kirayotgan har bir kapital egasining maqsadi yuqori daromadni ko'zlasa, sizning yutug'ingiz ijtimoiy samaradorlikka erishish bo'lishi mumkin. Mamlakatning investitsion jozibadorligini oshirish, hukumatlar tomonidan har ikkala tomonning huquqiy-me'yoriy asoslarini xalqaro standartlarga yaqinlashtirgan holda yaratish, ularni ijrosini taminlash, mamlakatdagi pul kredit siyosatini tartibga solish, ijobiy makroiqtisodiy ko'rsatgichlarga erishish talab etiladi.

To'lov balansining kapital bilan bog'liq operatsiyalar hisobi kamomadini qoplash natijasida mamlakatning boshqa bir mamlakat oldidagi majburiyati ortadi. Natijada investitsiyalarning qiymat yaratmasligiga hamda majburiyat yuki ortishiga olib keladi.

Adabiyotlar sharhi

Mavzuga oid ko'plab ilmiy izlanishlarda Markaziy bank pul-kredit siyosati orqali kapital oqimi balansiga ta'sirining tahlil va natijalarini o'rganishimiz hamda turli yondashuvlar mavjudligini ko'rishimiz mumkin.

Yurtimizdagi real iqtisodiyotimizda samaradorligi yuqori bo'lgan pul-kredit siyosatini ta'minlash maqsadida jahondagi rivolanayotgan hamda rivojlangan davlatlarning xalqaro standartlarga mos ushbu tizimning ilmiy hamda amaliy asoslarini o'rganish va amaliyotimizga joriy qilish lozim bo'lib qolmoqda. Ushbu tadqiqotda samarali pul-kredit siyosatini o'rganish bo'yicha chora tadbirlar ilmiy asosga ega.

Pul-kredit siyosatida mamlakatdagi har bir iqtisodiy sub'ekga uning talabiga nisbatan pul resurslari bilan ta'minlanish darajasi asosiy yo'nalishlardan biri hisoblanadi. Aholini qo'shimcha pul resurslari bilan ta'minlash maqsadida yurtimizdagi tijorat banklari faoliyatini rivojlantirishni yechim sifatida amaliyotga tadbiriq qilishimiz mumkin. Tijorat banklari tomonidan bozorga yo'naltirilgan har qanday bank mahsulotlarini har ikkala tomon uchun nafilligini oshirish mamlakatda yuritilayotgan pul-kredit siyosatiga uzviy bog'liq.[1]

Inflyatsiya va pul kredit siyosati bir biri bilan chambarchas bog'liq bo'lgan iqtisodiyotning ikkita asosiy yo'nalishidir. Ular o'rtasidagi munosabatlarni tushunish siyosatchilar, investorlar va biznes uchun asosli qarorlar qabul qilishlari uchun kerak. Ushbu ilmiy tahlilda inflyatsiyaning mohiyati, uni nazorat qilishda pul-kredit

siyosatining o'rni o'rganilgan.[2]

O'zbekiston Respublikasi Markaziy bank kredit siyosatini moliyaviy tahlillar, pul mablag'larini tashkil etish darajasini ta'minlash, valyuta kurslari va pul birliklari kafolatlari kabi bir qancha faktorlar asosida yuritadi. Markaziy bankning kredit siyosati moliyaviy tahlillar asosida strategik maqsadlarga muvofiq shakllanadi. Ushbu siyosat orqali pul massasini, valyuta fondi zaxiralarini oshirish ta'minlanadi. Iste'molchilarning ushbu kapital resursiga bo'lgan talabini qondirilishiga imkon yaratiladi.[3]

O'zbekiston Respublikasi Markaziy banki pul-kredit siyosatining strategik maqsadi bo'lib, milliy valyutaning barqarorligini ta'minlash hisoblanadi. Shu sababli, milliy valyutaning almashuv kurslari dinamikasiga baho berish monetar tahlilning muhim masalalaridan biri hisoblanadi.[4]

To'lov balansining muvozanatini tashkil etishda, odatda, bir qator ichki va tashqi omillarning to'lov baansiga ta'sirini baholashni taqozo etadi. Aktiv balansga ega bo'lgan davlatlar, xalqaro hisob-kitoblarga kirishuvchi mamlakatlarda makroiqtisodiy ko'rsatgichlari yaxshi bo'lishidan manfaatdor bo'lishadi. Passiv to'lov balansiga ega bo'lgan mamlakatlar esa, faol to'lov balansiga ega bo'lgan davlatlardan import bo'yicha cheklovlarni kamaytirish hamda ushbu mdavlatlarga kapital chiqarilishini rag'batlantirilishidan manfaatdor bo'ladi.[5]

Iqtisodiyotning samarali ishlashi uchun har qanday resurslarning bozorga oqimi muhim hisoblanib, davlat pul resurslari manbasi jihatidan ichki va tashqi investitsiyalarga qiziqishi yuqori bo'ladi. Davlatning investitsion jozibadorligini ta'minlaydigan ko'satgichlardan biri huquqiy me'yoriy asoslarning bo'lishi hamda ularni amaliyotda ishlashining ta'minlanish darajasi. Investitsiya egasi boshqa bir bozordan foyda oladi hamda ushbu bozorning rivojlanishiga hissa qo'shadi.[6]

Mamlakatdagi joriy to'lov balansini ijobiy o'zgarishiga ta'sir ko'rsatadigan amaliyotlardan biri bu mamlakat iqtisodiyotida joriy qilingan valyuta siyosati hisoblaniladi. Mamlakatda valyuta kursi rejimini to'g'ri tashkil qilish hamda uni amalga oshirilishini ta'minlash asosiy yechimlardan biri sanaladi. Ushbu amaliyot orqali to'lov balansini muvozanatini tashkil qilishda rivojlangan davlatlar foydalanishi keng ko'laml bo'lsa, rivojlanayotgan davlatlar uchun to'lov balansiga ta'sir kuchi chegaralangan.[7]

Tadqiqot metodologiyasi

Tadqiqot ish jarayonida iqtisodiy jarayonlarni o'rganishning ilmiy usullari – umumlashtirish, guruhlashtirish, tahlilning mantiqiy va taqqoslama usullari, qiyosiy tahlil, istiqbolli prognozlash va boshqa usullardan foydalanilgan.

Tahlil va natijalar muhokamasi

Pul-kredit siyosati Markaziy bank tomonidan yuritiladigan iqtisodiyotning asosiy tarkibiy qismi hisoblaniladi. Ushbu siyosat pul muomalasi, kredit bilan bog'liq operatsiyalar hamda pul tizimini bir maromda saqlab turishga qaratilgan chora tadbirlar majmuidir. Pul-

kredit siyosati orqali bozordagi ortiqcha pul massasi yig'ishtirib olinadi va aksincha pul massasi ko'paytiriladi, inflyatsiya darajasi tushurishga hamda minimum darajadagi pul zaxiralarini tashkil etish amaliyotlari bajariladi. O'zbekiston Respublikasi prezidenti qarorida pul-kredit siyosatini yanada takomillashtirish chora tadbirlari to'g'risida "2017-2021-yillarda pul-kredit siyosatini yanada takomillashtirish va inflyatsiyaviy targetlash rejimiga bosqichma-bosqich o'tish" chora tadbirlari belgilab o'tildi.[8]

Mamlakatning to'lov balansi ma'lum bir vaqt davomiyligida, xususan, chorak, yarim yil va bir yil oralig'ida davlat va unda ro'yxatdan o'tgan barcha yuridik, jismoniy shaxslar hamda davlat idoralarining boshqa mamlakatda ro'yxatdan o'tgan yuridik va jismoniy shaxslari bilan amalga oshirga hamma iqtisodiy operatsiyalarini o'zida aks ettiruvchi statistik hisobot. Mamlakatning to'lov balansi quyidagi bo'limlardan tashkil topadi:

- Joriy operatsiyalar hisobi;
- kapital bilan bog'liq operatsiyalar hisobi;
- moliyaviy operatsiyalar hisobi;
- sof xatolar va yo'qotishlar;

Ushbu ilmiy tadqiqot davomida Markaziy bank pul-kredit siyosati orqali iqtisodiyotimizning kapital bozoriga, xususan, kapital resurslari oqimiga qanday ta'sir o'tkazishi yoritib o'tiladi. Kapital bilan bog'liq operatsiyalar hisobi tarkibiga kapital va yer transfertlari, bir davlatning boshqa bir davlatga beg'araz moliyaviy yordami, tabiiy resurslar, shartnomalar, ishlab chiqarilmagan nomoliyaviy aktivlar kiradi. Kapital oqimi mamlakatga kirishi natijasida bozor yalpi talabi qondiriladi. Mamlakatda ishlab chiqarish hamda xizmat ko'rsatish soni ortadi, balki, sifat darajasi o'sishiga ham ta'sir ko'rsatadi. Jahon bozoridan kapitallarni jalb qilishda mamlakatning makroiqtisodiy ko'rsatgichlari ijobiy bo'lish kerak. Aynan shu jihat kapital egasini qiziqtiradigan iqtisodiy omil sifatida qaraladi. Faol to'lov balansi bilan chiqish mamlakatga valyuta tushumini ko'paytiradi, bu o'z navbatida iste'molchilarning yalpi talabini oshiradi, ishlab chiqarish rag'batlantiriladi, budjet

tushumi ortadi, budjetdan mablag' oluvchi ijtimoiy sohalarining moliyalashtirilisha kengayadi. Bunday iqtisodiy samaradorlikning xar bir zanjirida eng avvalo, xalq farovonligi ortishini ko'rishimiz mumkin. Pasiv to'lov balansiga ega bo'lgan davlatlar o'z sheriklaridan importga ligota ajratilishidan manfaat ko'radilar. Kapital bilan bog'liq operatsiyalar hisobidagi kamomad to'lov balansining moliyaviy operatsiyalar hisobidan, xususan, davlat qarzi hamda investitsiyalardan yopiladi. Bundan tahlil qilish mumkinki, kapital oqimi balansining defitsiti mamlakatning boshqa bir mamlakat oldidagi majburiyatini oshirishga olib keladi.

Mamlakatda makroiqtisodiy holatni yaxshilashda hamda iqtisodiyotning investitsion jozibadorligini oshirishda pul-kredit siyosatining islohotlarini jadallashtirish va rivojlantirish dasturlarini muvaffaqiyatli amalga oshirish muhim zaruriyat kasb etadi.

Inflyatsiyaning past va barqaror darajasi aholi hamda yuridik shaxslar omonatlarini uzoq muddatli investitsiyalarga aylanishi uchun kerakli sharoit yaratadi hamda ichki bozordagi narxlar nomutanosibligini kamaytirib mavjud iqtisodiy resurslarning samarali taqsimlanishiga xizmat qiladi.[9] Pul-kredit siyosatini amalga oshirish tartibi iqtisodiyotning holatidan kelib chiqqan xolda amalga oshiriladi. Pul-kredit siyosatining asosiy yo'nalishlaridan biri milliy valyuta barqarorligini ta'minlash hisoblanadi. Bunda almashuv kursining xorijiy valyutalarga nisbatan barqarorligi hamda ichki harid barqarorligi deb qabul qilish mumkin.

Iyul oyi uchun amaldagi narxlarda sotilgan tovarlar va xizmatlar guruhi qiymatining bazis davri narxlaridagi qiymatiga nisbatan kamayishi kuzatilib, foiz ko'rsatgichida 0.2 ni tashkil qildi. [10]

2023-yil 27-iyul kuni O'zbekiston Respublikasi Markaziy banki stavkani 14% da saqlanib qolishini ta'minlab, ushbu operatsiya orqali mamlakatda keying yarim yillik uchun tovarlar va xizmatlar qadrsizlanishining iqtisodiyotga sabiy ta'sir ko'rsatadigan darajada yuzaga kelishini oldini olishga xizmat ko'rsatdi. [11]

1-jadval.

2023 yil iyun oyi uchun bir necha davlatlarda inflyatsiya va savdo ko'rsatgichlari.[12]

Mamlakatlar	Inflyatsiya oylik	Inflyatsiya yillik	Import Nominal(milliard AQSH dollari)	O'sish % da	Eksport	O'sish %
Xitoy	-0.20%	0%	214.7	-6.8%	285.3	-12.4%
Qozog'iston	0.50%	14.60%	24.2	38.8%	31.6	-7.7%
Rassiya	0.37%	3.3%	-	-	-	-
Turkiya	3.92%	38.21%	26.1	-17.5%	20.9	-10.5%
O'zbekiston	-0.30%	9%	3.4	64%	2.8	127%

Xulosa va takliflar

O'zbekiston amaliyotida pul-kredit siyosatining bir qator tamoyillarini qo'llab quvvatlash orqali kapital bilan bog'liq operatsiyalar hisobida ijobiy natijalarga erishishimi mumkin. Ushbu tahlil natijalar bir qator mamlakatlarning

Markaziy banklari tomonidan amaliyotda sinalgan pul-kredit islohatlarining umumiy o'rganishlar natijasi sifatida qaraladi. Markaziy bank pul-kredit siyosati instrumentlarini yanada takomillashtirish maqsadida, Respublikada faoliyat yuritayotgan tijorat banklarining xorijiy valyutadagi depozitlari uchun zarur bo'lgan rezerv

nisbatini milliy valyutadagi depozitlar bo'yicha talab qilinadigan rezerv nisbati darajasigacha pasaytirish zarur, Markaziy bankning ochiq bozordagi operatsiyalari hajmini, xususan, qimmatli qog'ozlar emissiyasi hajmini oshirish kerak, bozorda kredit iste'moli hajmi ortishi natijasida kredit foizlarining oshishini oldini olish maqsadida maxsus rezerv fondini shakllantirish lozim.

Moliyaviy kapital kengayishini rag'batlantirish orqali bozorni naqd pul bilan taminlanganlik darajasini ko'tarish uchun tijorat banklari kreditlarining nominal foiz stavkasi barqarorligini ta'minlash kerak.

Foydalanilgan adabiyotlar

1. O'zbekiston Respublikasi Markaziy bankining pul-kredit siyosati // Journal of science-innovative research in Uzbekistan. Vol. 1, Issue 3, 2023. (ISSN: 2992-8869)
2. Inflyatsiya va pul-kredit siyosat // So'nggi ilmiy tadqiqotlar nazariyasi Respublika ilmiy-uslubiy jurnali. 6-jild, 12-son, 2023.
3. O'zbekiston Respublikasi Markaziy bankining amalga oshirilgan pul-kredit siyosatining tahlili // Intellectual education technological solutions and innovative digital tools. Vol. 2, Issue 22, 2023.
4. O'zbekiston Respublikasi Markaziy banki pul-kredit siyosatining amaldagi holati tahlili // Pedagog. Vol. 6, Issue 5, 2023.
5. To'lov balansini tuzish qoidalari va uni takomillashtirish yo'llari. // Экономика и социум. Vol. 4, (95)-2, 2022.
6. Iqtisodiyotning investitsion jozibadorligini oshirishga ta'sir etuvchi omillar. // Innovative academy research support center., 2022.
7. Mamlakat to'lov balansida portfel investitsiyalarning o'rni. // Multidisciplinary Scientific Journal. Vol. 1, Issue 15, 2023 (ISSN: 2181-4147)
8. 2017-2021-yillarda pul-kredit siyosatini yanada takomillashtirish va inflyatsiyaviy targetlash rejimiga bosqichma-bosqich o'tish chora tadbirlari to'g'risida.// O'zbekiston Respublikasi Prezidentining Qarori, 13.09.2017- yildagi PQ-3272.
9. <https://cbu.uz/uz/monetary-policy/concept/>
10. <https://stat.uz/images/uploads/reliz-2023/narx -2023 -yanvar-iyul-5.pdf>
11. www.cbu.uz
12. <https://asr.gov.uz/news/8577>